



Rezia Ladina Peer.



Bianca Mayer (Bibi Vaplan).

FOTOS MAD

Bianca, Rezia, Ursina – trais chantauturas rumantschas

■ (rtr) Radiotevisiun Svizra Rumantscha envia a la premiera dal film «Bianca, Rezia, Ursina – trais chantauturas rumantschas» – in film da Petra Rothmund. Quai gievgia, ils 12 da december 2013 a las 20.00 en la Werkstatt a Cuira. Bianca, Rezia ed Ursina: lur mintgadi lur cumbats lur siemis: Tuttas trais han studegià musica e mintgina ha il medem siemi: Pudair viver da la musica.

Bianca Mayer da Scuol ha savì realisar ses siemi. Mo ella ha vis e senti ch'il mintgadi da quel siemi è plitost stentus che bel. Viver quest siemi pretenda blers cumpromiss, memia blers per ella.

En il mintgadi dad Ursina Giger da Mustér è la musica il motor. Suerter in'emprima trumpada fa ella ussa pass per pass tschertgond novas vias. Adina cun sia clera finamira avant egl, quella da

realisar ses siemi, da pudair viver in di da sia musica.

Rezia Ladina Peer vala sco talent. La chantautura da Ftan avess quasi realisà la finamira ch'ella aveva mess a sa sezza avant dus onns. Dentant eba mo quasi!

Il film da l'emissiun «Contrasts» vegn mussà en ils programs da la SRG SSR sco suonda: **dumengia, ils 15-12-2013, 17.25 sin SRF 1**
Repetiziuns:
mesemna, ils 18-12-2013, 08.30, 09.30, 12.50 sin SRF info
gievgia, ils 19-12-2013, 11.00 sin SRF info
sonda, ils 21-12-2013, 17.25 sin SRF 1
dumengia, ils 22-12-2013, 07.30 sin RSI LA1



Ursina Giger.